



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

Pars Prima. De Veste Levitaru[m], & Sacerdotu[m] Antiquæ legis.

[urn:nbn:de:hbz:466:1-47105](#)

De hac pugna , amorumque genere loquitur
Apostolus , dum haec ad Corinthios , posterasque
ætates emittit . *Induite vos amaturam Dei . Quæ sit* ^{i. Cor.}
illa deducam ex Apostolo , & ad sacras vestes trans-^{10.}
feram ; si tamen prius pauca præmisero de vestibus
ministrorum , & Sacerdotum antiquæ legis , ut ex ijs
liquido appareat perperam hæreticos nostri temporis
damnare Romanam Ecclesiam , quod sacris vesti-
bus utatur , quibus abutuntur impij , ut varijs in locis
non sine stomacho , & iusto doloris sensu vidimus .

PARS PRIMA.

*De Veste Leuitarum , & Sacerdotum
Antiquæ Legis .*

Hæc olim Moysi Deus dedit in mandatis , ^{Exod. 28.}
fa-
cies vestem sanctam Aaron fratri tuo in glo-^{v. 2.}
riam , & decorum . Dicitur ea vestis sancta , tum
quia oleo consecranda ; tum quia dicata diuino
cultui , tum denique quia non nisi à sanctis , id est
Sacerdotibus usurpanda . Subiicitur deinde , quod
ad decus facit illius ordinis , sit illi vestis *in gloriam ,*
& decorum , qua ministrantium Domino , qua sa-
crorum munera . Et quia vestis erat alia , atque
alia , subdemus nonnulla , que & opportunam Anti-
quitatis memoriam renouent , & nouitatis arguant
huius ævi hæreticos , qui sua templa & aras , ut ha-
ras amant , & squallidum , ac sordidum ministro-
rum suorum pallium .

§. PRIMVS.

Quid superumerale siue Ephod?

DIuina prouidentia, quæ amat vnicè decorum domus suæ, sacro Moysis calamo, accurato-
que penicillo describit, ac depingit, quæ Aaroni,
quæ posteris successoribus velit esse indumenta.

Primum est illud, quod latina voce, *superhume-
rale*, hebraica *Ephod*, appellatur, de quo magna in-
ter Authores lis est ac contentio; ex eo orta, quod

*Gen. 46. vt ait D. Augustinus: Ephod vnum quidem nomen
ex vet.
Teſt. eft, ſed non vnam rem significat.*

Alijs enim: *Ephod* dicebatur armariolum quo Sacerdotes ad interrogandum Deum vtebantur:
Ep. 130. alijs thuribulum, quod & D. Hieronymo placuit:
*ad Mar-
cellam. alijs denique simulacrum, ita Gedeon creditur ædi-
ficasse, & erexit *Ephod* ex auro puro, quod & ido-
lolatriæ occasionem dedit, & Israëlem in ruinam
traxit. Hæc de vna voce disceptatio, pugnaque ex
eo naſci potuit, quod hebræa lingua vt ſœcunda
ſit, ita multas habeat radices, è quibus dum ducitur,
vna eademque vocula, in variis, pugnantesque tra-
hitur ſignificationes, quas accuratiuſ excutere non
eſt huius loci, meique instituti, ſit interpretum iſte
labor, curaque; ego in præſentia, & ſentiam, & lo-
quar cum communi Doctorum opinione, dicam-
que *Ephod* eſſe vſtimenti genus, quod *superindu-**

ſtūliq; mentum

mentum seu *περιποιησις*, superhumeral seu *περιδομα*, hoc est superius pallium vocari potest. Erat porrò aliud, atque aliud: minoribus Sacerdotibus ac Leuitis, imo, & Laicis si quando admitterentur ad sacra: erat Ephod linea vestis. Ita *Samuel ministrabat ante fa-*
ciem Domini, puer, accinctus Ephod lineo.

I. Reg. 2.
v. 18.

Ita David posita purpura, sceptroque exultabundus saltabat coram arca Domini, & ipse *accinctus Ephod lineo*. At verò Pontificale, cui sacra quædam maiestas insidebat, aliud oimino, & mirum quantum excellentius visebatur Ephod: de quo hoc scripturæ pronunciatum. *Facient superhume-*
rate de auro, & hyacintho, & purpura, cocoque bis-
tincto, & byssore retorta, opere polymito, opere textili,
cui gratiam conciliabat amœna quædam colorum
varietas, ex hyacintho,occo, purpuraque petita, ad
quam accedebat auri pretium fulgorque: cui etiam
lucem addebant, nitoremq; duo Oceani fidera, duo
terræ oculi, duæ geminæ, seu lapides onychini, in
quibus insculpta nomina filiorum Israël legebatur.

Erat Ephod Ordini Pontificio in decus, & gloriā, Israëli, ut scriptura loquitur, in *memoriale Araoni ob recordationem*. Ut enim disertè Venerabilis Beda, diuino consilio, suauique Numinis prouidentia factum, ut summus Sacerdos, nomina duo decim Patriarcharum humeris ascripta circumgestaret quatuor potissimum ob causas.

Exod. 28.
v. 6.

V. 12.

L. 3. de
Tabern.
c. 4.

Vt

Vna, vt quoties incurrerent in oculos ea heroum,
Patrumque nomina, toties animo recurreret grata,
& formandis moribus opportuna, fidei, magna-
rumque virtutum, quibus illi, in omni vita enitue-
rant, memoria.

Altera, vt duodecim tribuum Israëlis, quarum hi
authores, ac progenitores extiterant, in sacrificijs
meminissent.

Tertia, vt ipse populus, qui suorum Parentum
nomina Sacerdotis humeris incisa usurparet oculis,
moneretur ijsdem insistendum esse vestigijs, quæ
heroes illi magni pridem triuerant, viamque fece-
rant ad eximiam quandam in Præfules obseruan-
tiā, in superos pietatem, in Deum opt. max. reli-
gionem.

Denique, vt vel ex eo nosset Præfus sibi sub-
iectas animas, earumque onera humeris valentibus
esse deportanda. Et hæc ab insculptis illis nomini-
bus ducuntur morum documenta.

Alia à candore, niueque qua præstabat in mino-
ribus sacrorum ministris.

Primum enim lineum illud Ephod, symbolum,
& indicium pœnitentis animi; vt enim vestis linea
affusa aqua à sordibus eluitur: ita mens peccati lu-
tum, ac maculas multo lacrymarum imbre, gemi-
noque oculorum fonte expurgat, ita de illo censuit,
ita locutus est D. Hieronymus.

Quod

Quod Ephod illud lineum, atque candidum figu- In Ps. 98.
ravit, ostendit candidum effici posse, qui per pœnitent-
tiam nomen Domini inuocans nigredinem peccati di-
luerit.

Alterum quod à lino virtutis probandæ sumi-
 tur argumentum, est candor animi, sincera quedam
 ingenuitas, & insignis morum castimonia, de qua
 Venerabilis Beda. Accinguntur, inquit, *Sacerdotes* Lib. 3. de
Taber. c.
8.
tunicis lineis, vt castitatem habeant, non sericis, non
laneis, quæ ex animali mortuo sunt; ne scilicet castitas
aliquid mortuum sapiat.

Denique linea tunica indicium fuit longæuæ
 patientiæ, quia vt linum innumera sui ipsius patitur
 detrimenta, vt candorem illum induat, secatur e-
 nim, maceratur, flagellatur, tunditur, diffringitur,
 pectitur, torquetur: sic animus, vt candorem illum
 niueæ, castæque mentis assequatur, labore multo
 teri debet, & atteri: sed hoc calamo notasse suffe-
 rit, veniam ad rationale, quod oracula explicabat,
 & longam futurorum præfigitionem, cuius mo-
 dum, ac rationem inquiremus.

§ 2.

Quid esset Rationale?

HÆc est altera vestis Pontificis, & sacratissima:
 pars ipsius *Ephod*, id est superhumeralis, om-
 niumque vestium Sacerdotalium.

P

Audijt

114 SPECVLVM ECCLESIASTICORVM,

Audijt ab hebræis *chosen*, à græcis λόγιον, à latinis rationale, quod quasi mentis, ac rationis particeps, responsa atque oracula redderet, figuræ fuit quadrangularis constans tela dupli, ut quatuor ordinis gemmarum admittere posset, ac sustinere: vel ut opinatur Rabbi Salomon apud Abulensem: ut inter illos duplicatae telæ sinus immitteretur nomen Domini tetragrammaton in aurea lamina artificiosè elaboratum: censet enim Rabbinus ille, summum Sacerdotem non tantum in fronte (quæ magnæ mentis est ianua) appensum gestasse inefabile Dei nomen: verum etiam in pectore, in corde, amoris sede, atque officina: sit illi sua opinio, quam nec omnino probo, nec etiam improbo; in re obscura suus quandoque Rabbinicis inuentis dari potest locus, modo ad vanas, & inanes obseruatiunculas non deflectant, interim elabor ad ea, quæ rationali vel appensa, vel inscripta:

Appensi videbantur quatuor ordines lapidum.

v. 17. In primo versu erat lapis sardius, topazius, ♂ smaragdus.

v. 18. In secundo carbunculus, sapphirus, ♂ iaspis.

In tertio ligurius, achates, ♂ amethystus.

v. 19. In quarto chrysolitus, onychinus, ♂ berillus inclusi auro per ordines suos.

Hæc scripture teste, Deo iudice & arbitro, quem utinam audiant Caluini, Lutherique asseclæ: qui cum

cum sint Epicuri de grege porci, aras non amant,
sed haras, & incultum templorum, ac Sacerdotum
squalorem, & situm: nec ferunt sine nausea, &
stomacho auream illam Ecclesiæ Romanae in sacra
supellecstile maiestatem: saltem eam legant in my-
stis antiquæ legis, & ex ea aliquid dignitatis, ac
splendoris ad nouam gratiæ legem accedere po-
tuisse fateantur: sed descendo ad ea quæ gemmis il-
lis inscripta. Erant illa *nomina filiorum Israël*, quæ v. 21.
portabat Aaron in rationali iudicij super pectus
suum, quando ingrediebatur sanctuarium memoriale v. 29.
coram Domino in æternum.

Et hæc scripturæ verbis, ac fide; è qua nascitur
Quæstio, an gemmis illis duodecim inscripta fue-
rint nuda nomina filiorum Israël, an vero genti-
litia eorum signa, ac stemmata?

D. Hieronymus credit tam in duobus onychi-
nis, quam in 12. gemmis rationalis, incisas non ip-
sorum nominum litteras, sed notas quasdam, & si-
gna hieroglyphica, Ægyptio more: ea vulgo arma,
insignia, & stemmata gentilitia vocitamus: quæ
sententia si vera est. Tribus Iuda cum suis exhibebat
speciem Leonis.

Dan cum socijs tribubus effigiem volantis A-
quilæ. Ephraim bouis, Ruben hominis.

Malunt alij fuisse pura, puta nomina singula-
rum tribuum, quod certè cum ipsis scripturæ verbis

116 SPECVLVM ECCLESIASTICORVM,
magis consentire videtur ; vt vt sit hic non dispuo,
neque enim interpretem ago ; sed ex ijs scriptu-
ræ flosculis aliquid ad mores delibo, & ex illis con-
ficio sumnum Sacerdotem , bonum Præsulem
ac Pastorem hac vna nominum serie admoneri , vt
animatorum sibi commissarum nomina circumge-
stet , non humeris tantum eorum oneribus veluti
succollando : verum etiam in corde , hoc est in a-
moribus , in sedula memoriacircumferendo.

§. 3.

*Quid Vrim & Tummim Doctrina & veritas in
Rationali , & quæ ab illis futurorum
præsagitio ?*

DOctrina & veritas inscripta Rationali , ex-
primitur duabus vocibus hebraicis *Vrim* , &
Tummim , de quibus tanta inter Theologos , ac In-
terpretes est controuersia , vt mirum sit in duabus
voculis adeò lusisse hominum ingenia ; dubia sem-
per , nutantia , & incerta quo calculum iacerent .

Rabbi Abraham ex suo sensu , ac iudicio , statuit
fuisse duas laminas , auream vnam , quæ indicium
esset diuini amoris , argenteam alteram , quæ signum
puritatis , ac castioniæ , quam in suis Myſtis a-
mant , voluntque superi .

Rabbi Salomon fuisse nomen tetragrammaton
quod & in corde suo ferre debuit summus Sacer-
dos ,

dos, & cura, studioque pastorali in aliorum corda, animosque inferre.

Rabbi ben-esra sphæram cœlestem amauit, eamque summo Sacerdoti in rationali appensam voluit, eo superum confilio, vt ad cœlestia erigeret se, & omnes animi motus, ad cœli, diuorumque motus, ac nutus componeret.

Arias Montanus, & Procopius volunt fuisse duas ^{In Dent.} gemmas eximij cuiusdam nitoris; non ex ijs, quas ^{33.} in littus euoluunt maria, quasve parit terræ sinus: sed à diuina manu singulari quodam beneficio in sacros vſus productas, & Moysi in manus datas, vt suo splendore, luceque claritatem, & veritatem referre viderentur.

Cui sententiæ affinis est ea quæ Anastasio Niceno tribuitur, & *Vrim*, ac *Tummim* habet pro Adamate miri nitoris, & elegantiæ: cuius eximia vis erat ad effectus futuros populo demonstrandos. Si enim summo Sacerdoti sancta sanctorum subeunti; nigresceret ille lapis, lucemque contraheret, arguebat a peccato pollutum fuisse populum: sin autem è contra albesceret vt nix, ostentabat, quæ in populo mundities, quis candor esset animorum. Quod si sanguineo colore tingi videretur, portendebat irato cœlo fulmina, cædes, & strages Israëlis: & secus, si insolito splendore emicaret, omen erat propitio Numine magnum aliquod, & singulare benefi-

*Gen. 38.
in script.*

118 SPECVLVM ECCLESIASTICORVM,
cium esse conferendum: Ita Zachariæ dicitur su-
pra modum illuxisse, ut portenderet imminere orbi
Baptistam aliquem, lucernam agni, & auroram, in-
dicem solis, hoc est diuini verbi orientis.

Oleaster, Lyranus, Abulensis autemant *Vrim*, &
Tummim fuisse illas ipsas duodecim gemmas ra-
tionali insertas; quæ si nitescerent, ostendebant po-
pulo placatum, & propitium fore Numen, seu in
castris hæreret ad sarcinas, seu arma in hostem fer-
ret; sin autem obscurarentur illæ, & aliquam sui lu-
minis defectionem paterentur, iam inde portende-
bant aliquid sinistri Israëlis capitibus impendere.

Et hoc cœlo iudice miraculum, cui aliud addunt
hebræi litteras, ac characteres his lapidibus inscri-
ptos prominuisse, & insigni prodigo ita coire, ita
inter se commisceri solitos, vt in ijs responsa lege-
res, ad ea, quæ Sacerdos diuina oracula inuestigans,
à Deo petijsset.

Ita Dauidi euenisce credunt, cum Ephod appli-
cari voluit, Numenque consuli, deberetne in vnam
2. Reg. 2. è Ciuitatibus Iuda ascendere, necne? eo enim lo-
ci, ac temporis credunt respondisse Dominum: *ale*,
hoc est, ascende, quam voculam indicem oraculi,
testem diuinæ voluntatis censem efformatam è tri-
bus litteris, quæ illicò ex Ephod, è gemmis emine-
re, ac quodammodo prodire visæ sunt. Vna fuit *Ain*
ex nomine *Simeon*, Altera *Lamed* ex nomine *Leui*,

tertia

tertia *He* ex nomine *Iehuda*: quod si verum est; insigne profectò miraculum fuit, sin minus, ingeniosum est Rabbinorum commentum.

Cui non absimile est illud Hugonis, qui contendit fuisse characteres rationali inscriptos, quos cum Pontifex commiscuisset, in ijs legebat expressa responsa eorum, quæ à cœlo exigebantur, de quo lectorem iudicem, & arbitrum facio.

Cyrillus in collectaneis procul ab ita gem-
marum gratia, cœlestiumque prodigiorum benefi-
cio, docetque *Vrim*, & *Tummim*, *doctrinam*, & *ve-
ritatem* Sacerdotis pectori non fuisse inscripta, sed
magis animo: putat enim ea fuisse cognitionem
spiritualem diuinaq; lumina, quæ Sacerdotis men-
tem & vim intelligendi mirum quantum acue-
bant, cum pectori suo *rationale* appenderet, diceret
illi diuinitus insitam esse vim animo affundendi
cœlestem lucem, & altiores humanis viribus cogi-
tationes, quæ etiam in longè posita, in futuros euen-
tus excurrerent.

In hac sententiarum pugna, & obscura antiqui-
tatis nocte, quæ arcana illa tegit, ac velat, tutius est
sequi, quod magis obuium, nec remotum à com-
muni sensu, scripturæque fide, atque autoritate.

Erit illud, si dixerimus *Vrim*, & *Tummim*, fuisse
ex vero duas illas voculas, *doctrinam*, & *veritatem*
Rationali, diuino iussu inscriptas. Hanc interpre-
tationem

120 SPECVLVM ECCLESIASTICORVM,
tationem amant ut germanam , & planam ipsa
scripturæ verba , nec aliam facile patiuntur : ita e-
nim ferunt. *Pones in rationali iudicij doctrinam, &*
veritatem.

His ornari , nitereque debuit Sacerdotis mortale
pectus , & magis ipse immortalis animus , vt ex il-
lis sua illi ordini dignitas accederet, maiestasque , vbi
populo innotuisset eam esse diuinæ prouidentiæ
rationem , eas cœli leges , & pacta , vt sacrato Ponti-
fici inesset doctrina , quæ inculte plebis dubia solue-
ret , dissiparet ignorantiae nebulas , & veritatis luci ,
solique redderet : vtpote delecta à Deo sedes do-
ctrinæ , ac veritatis ad effundenda diuiniora cœli
oracula. Ex quibus omnibus conficies illud *Vrim* ,
& *Tummi* non fuisse oraculum , sed indicium ora-
culi , & acceptæ à Deo potestatis.

Ea quippe summum Pontificem decebat quam
optimè.

L. 14. c.
34. Æliano teste apud Aegyptios summus Sacerdos ,
qui & populi Iudex , appensam è collo gestabat
imaginem sapphiri , in qua legebatur hæc Epigra-
phe : *Veritas.* Est sapphirus cœrulei , cœlestisque co-
loris , eoque opportuna tabula , sed etq; veritatis , quæ
è cœlo , è Deo est , imo etiā ipse Deus , qui & veritas .

Et Pontifex alter veluti in terris Deus , Dei certè
Vicarius , ideoque doctrinæ , & veritatis expressa
quædam imago esse debet .

Visebatur

Visebatur apud Ethnicos fidij simulacrum, in quo honor viri forma expressus, veritati, quæ virginis specie fingebar manum porrigebat: his medius intererat amor, generis humani corculum, ac delitiæ.

Ingenioso sanè inuento, quod tacitè monet veritati honorem, & amorem deberi, vel si maius, fidem (qua nihil in terris utilius) nisi veritate, honore, amore; ex quibus fluxit vulgata illa paræmia. *Hominum fidem* (adde si lubet & Diuorum, ac Dei) *veritas parit, honor sustinet, amor nutrit.* Et hæc omnia Sacerdotis ordinem mirum quantum commendant, in quo, vna cum veritate, quæ etiam teste Pythagora, *homines Deo proximos facit*, & fides & honor, & amor sedem allegere: amor inquam, non tantum Dei, sed & proximi cum insigni quodam animarum zelo; quem etiam indicat; vox *Vrim*, quæ non tantum illuminationem significat, sed & inflammationem, ac zelum, qui populos sibi subiectos ad Dei legem, & amorem accendat.

Vrim enim hebraice & lucem, & ignem significat, indeque dicitur Abraham eductus de *Vr*, hoc est de igne Chaldæorum.

Et is debet esse Sacerdos, educere debet commissum sibi gregem de *Vr*, de igne Chaldæorum, de flamma vitiorum, de æstu libidinis, de communivaniatis incendio, quod ut faciat, sit oportet lucerna.

Q

ardens

122 SPECVLVM ECCLESIASTICORVM,
ardens & lucens, qualis olim fuit Ioannes, de quo
scriptura. Erat lucernā ardens & lucens, quæ verba
suo more dum pie expendit Bernardus: benè ait lu-
cerna ardens & lucens, est enim tantum lucere va-
num: tantum ardere parum: ardere, atque lucere
perfectum est. Quod ut apertius explicet, æqua iu-
dicij lance perpendit eam verborum seriem lucer-
na ardens, & lucens: non ait lucens, & ardens, quia
Ioannis ex feruore splendor, non feruor prodijt ex
splendore; sunt enim qui non eò lucent, quia feruent,
sed magis feruent ut luceant; at isti planè non fer-
uent charitatis spiritu, sed spiritu vanitatis; quem
procul abesse vult à summis Ecclesiæ Præfulibus:
quia ut magnificè scribit ad Eugenium Pont. Max.

L. 2. de
Consid.
In eum
Locum.

Monstrofa res est gradus summus, & animus infi-
mus; sedes prima, & vita ima; lingua magniloqua,
& manus otiosa; sermo multus, & fructus nullus.

§. 4.

Quid tunica hyacinthina, mala punica
cum tintinnabulis?

Tertia vestis, quæ ad sacrum Pontificis orna-
tum accedebat, erat tunica hyacinthina, ad
cuius fimbrias pendebant mala punica cum tintin-
nabulis. Singulis sua voluit inesse mysteria, quæ
humanis in symbolis ludit diuina prouidentia. Et
quidem à tunica hyacinthina, quæ violaceo, cœle-
stique

stique colore est imbuta: monendum esse censuit summum Sacerdotem debere illi inesse animos terra, omniisque rerum mortalium colluie superiores, ac planè cœlestes.

Mala punica, quæ vno sub cortice claudebant multa grana, fidei unitatem, vel si maiis variam virtutum exundantiam vno charitatis velo, ac munimine probè tectam, designabant: tintinnabula, sacro, solemnique tinnitu dum astantium aures feriunt, etiam animos pulsant, & ad singularem quandam æterni Numinis reuerentiam componunt: vnaque etiam Pontificem monent, quod totus debeat esse vocalis.

Tanta, inquit D. Hieronymus, debet esse scientia, & eruditio Pontificis Dei, ut & gressus eius, & motus, & coniuersa vocalia sint. Veritatem mente concipiat, & toto eam habitu resonet, & ornatu, ut quidquid agit, quidquid loquitur, doctrina sit populum: absque tintinnabulis enim, & diuersis coloribus, & gemmis, floribusque virtutum, nec sancta ingredi potest, nec nomen Antistitis possidere.

Pro ea, qua est ingenitæ mentis solertia ex hoc sacraüore ritu duo conficit magnus Ecclesiæ Doctor: vocalem esse debere Antistitem, non lingua tantum, sed & operibus, exemploque vitæ sanctoris: quia, ut ait S. Isidorus: *Doctrina operum umbra:* L. 3. Ep. quantum enim interest corpus inter, & eius um-^{359.}

Q 2

bram,

124 SPECVLVM ECCLESIASTICORVM,
bram , tantum ^{doctrinam} vmbra inter , & opera necesse est
interesse. Est vmbra simulacrum inane corporis, il-
ludque quaqueuersum sequitur : eo crescente cres-
cit, deficiente deficit, ita doctrina, si accesserint opera
altior est, ac potentior, futilis, & omnis boni vacua
si illa decesserint.

Testes huius propositionis habeo heroas ma-
gnos , sanctos Antistites , quorum hæc pronuncia-
ta, hæc è pulpito, cathedraque veritatis oracula.

Diuus Augustinus, cuius eloquentiam, & dicen-
divim agnouit, ac suspexit Antiquitas : ita pronun-
L. 4. de
Doctri.
Christ. c.
ciat. *Vt obedienter audiatur cōcionator, quantacumq;
grāditate dictionis maius pondus habet vitā dicentis.*

27. Cum Augustino consentit, & aurea fandi copia
conspirat Chrysostomus, cuius ea vox de bonis ope-
Hom. 3.
in I. ad.
Cor.
ribus, & purioris vitæ exemplis. *Hæc est ratiocina-
tio, cui contradici non potest, quæ fit per facta : de ea
quæ per verba effunditur sua semper restat lis, ac
contentio: si non omnes, at quamplurimi reclamāt.*

Libello
de dupl.
Martyr.
Factis ne vnu omnium reclamat : quia vt diser-
tè D. Cyprianus. *Efficacius vitæ, quam linguae testi-
monium est : habent opera linguam suam, habent fa-
cundiam suam etiam tacente lingua.* Et hæc de bono
exemplo mihi iniecit sonora illa , & loquax tintin-
nabulorum series, quæ oram sacræ vestis adlambe-
bat ; ab illa ascendo ad sacram suimmi Sacerdotis
tiaram, de qua etiam quæstionem instituo.

§. 5.

§. 5.

Quid tiara, & quæ eius inscriptio?

Priusquam euadam ad ineffabile Dei nomen
tiaræ Pontificis inscriptum : præmittam pau-
ca de varijs Dei nominibus apud Hebreos usurpari
solitis ; tum ad ipsius nominis etymon elabar.

D. Hieronymus, cuius ætas omnis addita bonis
artibus, studijsque trita, extrema demum senectus
hebraicis disciplinis concessa ; epistola ad Marcel- 136.
lam ingeniosè eruit, scribitque decem omnino Dei
nomina.

Primum est *el*, quod Aquila interprete ac ma-
gistro, fortè significat.

Secundum est *eloha*, quod Deum vniuerso, Pa-
rentis in morem, prouidentem, Regis in modum,
normamque gubernantem, & ad Iudicis rationes,
calculosque iudicantem, ostentat.

Tertium est *elohim*, quod est plurale nominis
eloha.

Quartum est *sabbaoth*, hoc est exercituum, &
copiarum scilicet Deus, ac Dominus, ut enim in il-
lis sese effert, & iactat Regum, Cæsarumque poten-
tia, quæ Regna, & Prouincias, armis fatigat, armata-
que hominum manu terras, ac maria tegit, atque
obruit : ita se his omnibus superiorem ostendit
Deus, qui ex verò ita copiarum dux est, ita exerci-

tuum

Q 3

126 SPECVLVM ECCLESIASTICORVM,
tuum Dominus, vt ad omne m eius nutum sese in-
clinet victoria, eoque palmas vertat, quo verterit
Deus sabaoth, Deus exercituum.

Quintum est elion. Hoc est excelsus: non eo
tantum quod in excelsis, in cœlis suum quodam-
modo domicilium fixerit: (quo spectat antiquus
iurandi ritus leuando manus in cœlum) verum
quia tum natura, tum agendi vi, tum insita perfe-
ctione, excelsissimus est: natura quidem, quia pri-
mum, & summum ens, à quo cætera entia. Agendi
vi, quia causa prima, à qua pendet omnis creata
causarum secundarum series. Denique perfectione,
quia Deus summa, & infinita perfectio.

Sextum nomen *eie ascerie*, hoc est sum qui sum:
& hoc singulare, ac proprium Dei nomen, in quo
à creaturis discernitur, quibus pro nomine est illa
inanis vocula. Non sum. Deus, inquit S. Dionysius
C. 5. de
diu. nom. est æuum, æuorum, & rex sæculorum, quia ipse est esse
existentibus, & ipsum esse existentium, & existens an-
te sæcula, de nobis dicitur. Dies mei sicut umbra de-
clinauerunt, omnes tanquam aquæ dilabimur. De
PS. 101. Deo, Tu autem idem ipse es, & anni tui non deficient,
tu autem Domine in æternum permanes, & memo-
riale tuum in generationem, & generationem. In
quem locum doctè S. Augustinus. Æternitas, in-
quit, est Dei substantia, quæ nihil habet mutabile. Ibi
nihil est præteritum, quasi iam non sit. Nihil est futu-
rum

rum quasi nondum fit; quia non est ibi, nisi est. Quam Dei opt. max. notionem ab Hebræis haussisse videntur Ægyptij, apud quos in fronte templi hoc legebatur Dei emblema. *Ego sum quod fuit, quod est, quodque futurum est. Volum meum nemo unquam reuelauit.*

Septimum Dei nomen est *adonaij*, id est Dominus.

Octauum *saddai*, liberale, munificum, suave, amabile, maternum, lacteum nomen, quod non nulli trahunt ex articulo *schin*, & *Dai*, hoc est abundantia, & cornucopiæ.

Finixerunt olim veteres elapsas è cœlo Nymphas, quas cornucopias vocabant, quod vberē cornu, flosculos suos, diuitias, voluptates, nomen, famam, honores, bona omnia in mortales oras effunderent. Figmentum est à vero alienum, ex vero illud. Deus est nobis instar cornucopiæ, eumque sed dici, & haberi vult: imo si voles mollius aliquid, & amabilius. Est *saddai* hoc est mammeus: cuius etymon deducunt Hebræi à radice *scad*, id est mamma, itaque *saddai* est Deus, & totus mammeus.

Antiqui vates, quibus animus, & calamus indocta commenta facilis, ac facundus erat: naturam effingebant hoc schemate. Erat ei species, quæ Deæ esse solet, liberalis, amœna, & propè diuina: sinus apertus, & patens, è quo prominebant, & defluebant.

128 SPECVLVM ECCLESIASTICORVM,
fluebant vndique mammæ, ad quas aduolare liquido æthere volucres, toto Oceano adnare pisces, & continentivniuerso adrepere, aduenire, accurrere reliquum animantium genus omne, hominesque ipsos orbe vago sparzos, prono, ac præcipiti cursu eò deferri vidisses, & stillantes vndique mammas excipere, exfugere, epotare. Huic porrò id nomen esse voluerunt *Dea RUMINA*, Antiquis enim *ruma* idem est quod mamma. Huius meminit D. Augustinus de Ciuitate Dei. Dabitur illud poëticæ licentiæ, & ingenioso commento; sed hoc veritati facile concedetur, Deum Orbi esse quod illis natura, Deum esse iusto, quod infanti mamma.

E mamma grauida, distentoque vbera lac emanat, quo primis in annis, teneraque ætatula pascatur, & alatur infans (nec enim alio cibo capi potest, ac sustineri infantia) quæ si forte in gemitus, in lacrymas soluatur, mox eas affuso lacte diluit, mergitque gemino mammarum fonte, itaque inter vbera sopitur, & filet omnis æstus, omnisque lacryma penitus exarescit. Quod illi ætatulæ propensa mater, quod vbera, quod mammæ faciunt, hoc nobis in omni vita facit Deus. Infirma est, quæcumque nobis in hoc mundo vertitur ætas, infantia est, ali debet, & foueri diuino vbera, cœlesti laete, diuinæ inquam miserationis, quæ nobis aperto, patentiique cœlo depluit. Hoc lacte diluitur, hoc fonte
mergitur

mergitur, hoc torrente rapitur omnis mœror, edaces curæ, dolores quantumuis acuti, hæc inter vbera conquiescit animus, æstusque deponit.

Quod si ex me studiosius inquiras, quæ sint illa
Dei vbera, quæ mammæ. Attende quid olim ex-
plicatis cœli valuis, viderit discipulus ille, quem
diligebat Dominus.

Fui, inquit, in Dominica die, & audiui post me vocem magnam, tanquam tubæ, dicentis: quid vides? & conuersus, ut viderem, vidi septem candelabra aurea: & in medio septem candelabrorum aureorum similem filio hominis, vestitum podere, & præcinctum ad mammillas zona aurea.

Hic impenditur ingeniosus interpretum labor,
desudatque industria, ut exploret, & eruat, quis ille
filius hominis? quæ candelabra? quæ zona? quæ
mammæ.

Candelabra septem, sunt septem Ecclesiæ, septem Episcopi, quos inter medius assurgit similis filio hominis Christus Iesus, ad cuius æmulationem factum, ut etiamnum Romanus Pontifex, isque unus, vbi solemni ritu, pompaque sacris operatur, circum se in altari habeat septem candelabra. Est nimurum in terris Christi Vicarius, medius inter septem candelabra, hoc est Episcopos omnes, quibus eminent, ac præsidet. Sed quæ zona? & cur aurea?

Aretas zonam esse vult symbolum diuinæ cle-

R mentia_e,

130 SPECVLVM ECCLESIASTICORVM,
mentiæ , quæ iram pectore conceptam stringit , ac
retinet.

Rupertus notam regiæ dignitatis.

Albertus diuinæ sapientiæ ; Abbas Ioachim pie-
tatis; Chrysostomus castitatis ; Ribera charitatis,cui
consentio , ideo enim aurea , quia aurum est nota
diuinæ in nos charitatis. Sed ad rem proprius , quæ
tandem mamma ? Viegas credit , duas à Christo
pendere māmillas hinc misericordiæ,inde iustitiæ;
dextra fluit,& exsugitur lac indulgentiæ,& misera-
tionis. Sinistra funditur lac iustitiæ , & correctio-
nis,hoc acrius est : suauius illud:& hoc,& illud in-
fanti, id est homini salubre.

Pererius alio vertitur ,& ait, duę in Christo mam-
millæ , sunt mens , & voluntas , illa cincta est auro
sapientiæ , hæc charitatis , vtraque lac homini fun-
dit, illa doctrinæ , hæc gratiæ vberioris.

Ecce quo potamur lacte , quibus pascimur vbe-
ribus.

Magnum quiddam , & illustre sibi dixisse visus
C.49.60. est Isaias, vbi in alto mentis excessu , & propheticō
spiritu de Ecclesia cecinit. *Erunt Reges nutritij tui,*
& reginae nutrices tuæ: fuges lac gentium, & mamilla
Regum lactaberis : magnum, inquam , & illustre si
terram spectes , & ea quæ in Orbe aspectabili mira-
mur pusilli mortales: at si cœlos suspicias , si diuinæ
caritatis æstus , si Deum ipsum qui tuo inclinat a-
mori,

MVRAC RELIGIOSORVM. 131
mori, nouum illud, & augustum, cœleste, diuinum
audies. Eruint cœlites nutritij tui, & beatæ mentes
nutrices tuæ, fuges lac cœlorum, & mammilla Dei
lactaberis, quod si illa lactaris, age, illum vnicè,
sanctèque deperi, stringe, amplectere, & illud audi,
si te lactauerint peccatores ne acquiescas eis. Si mun- Prov. c.
I. v. 10.
dus te lactat, si putida caro, si voluptas, ne acquiescas
ei: non sunt illæ nutrices tuæ, non est hæc mater
tua, sed nouerca. Deus vñus est nutritius, est mater,
est mammilla, illi caput, os, animumque inclina, &
inter illius vbera, amores, dico requiesce. Sed his
cœli delitijs datum est satis, ad alia Dei nomina
transeamus, ex ijs.

Nonum est *ia* siue abbreviatum *Ieboua*, quod
decimum est Dei ter opt. ter max. nomen, nomen
tetragrammaton, nomen ineffabile; de cuius ety-
mologia disputant inter se Hebrei, & ex illis Theo-
logi nostri.

Oleaster illud deducit à radice *haua* id est conte-
rere, vnde *houa* contritio, & *Ieboua* contritor esset,
ac diceretur.

Id nomen Omnipotenti Deo conuenit quam
optime; vt qui Pharaonem, & Ægyptios duraca-
pita ac ceruices elatas, diuina vi, manuque contriue-
rit: ad quam spectat illud epinicium Mosis. *Domi-* Gen. 15.
v. 3.
nus quasi vir pugnator, omnipotens nomen eius.

Magis arridet alijs, probaturque hoc ipsum no-

R 2

mem

132 SPECVLVM ECCLESIASTICORVM,
men deriuari à radice *haia*: quod significat, est: quo
vno portéditur ipsa Dei essentia, ipsa essentiæ aby-
sus, & pelagus inexhaustum: quod erui non po-
test, & in lucem dari aptius quā hac vna vocula, est.

L. 1. de
celo.

Sic Aristoteles vel ipsa duce natura, cum Dei
definitionem efferret. Pronuntiauit, esse *ens*, & exi-
stens: quia Deus à se est, & ab illo cætera: pelagus
est, principium, & fons omnis essentiæ: creata om-
nia veluti riuuli ab illo deducti. Ita Trismegistus de
Dei nomine dum quærit, ait. *Deus unus nomine*
non eget, est enim ens sine nomine. Et hæc per transen-
nam de varijs supremæ illius ac diuinæ maiestatis
nominiibus dicta velim, ad institutum meum, à
quo paululum digressus sum, reuertor.

§. 6.

Cur ineffabile Dei nomen in fronte gestaret

Pontifex? quæ religio, quæ vis in eo

nomine.

Exod. 28. **I**Ta ferebant verba diuinæ legis. *Facies & lami-*
v. 36. *nam de auro purissimo: in qua sculps opere cæla-*
toris, sanctum Domino.

Exhibebat in area nobili, auri luce, ac pretio in-
scriptam hañc epigraphen, *sanctum Domino.* Vel vt
hebræa habent, *codes Laibea:* sculps *sancitas Ie-*
beua quasi diceret. Insculps laminæ hoc emblema:
Sanctitas Domino, quam enim potius inscriberet al-
tissimi

tissimi Sacerdos, vel Deo, vel sibi? Est sanctitas ita
Deo propria, ita illius essentiæ infita, ut abesse nullo
modo possit. Est Sacerdos, cœli, ac superum my-
stes, supremi numinis in terris minister, ei litat, &
sacrificia statim temporibus exhibit, quæ ut sancta
sint, oportet. Est illius Augustum, cœlestē, diuinum
nomen pro corona, pro diademe, pro sole fron-
tis, pro galea capitis, quæ eum tegat, ac protegat.
Est in eo nomine vnde sibi apud populum gratia
sit, & honos. Vnde maiestas sacra, vnde sua virtus
animo, suuim corpori præsidium, sua vis, & arma,
vnde bonorum omnium affluentia, & miraculo-
rum indita potestas. Hæc enim omnia breui com-
pendio legis, quicunque hanc epigraphen usur-
pas oculis.

Reuerentiam ex eo colliges, quod è Iudeis ne-
mo unus omnium, illud nomen effari, & eloqui
auderet vñquam: quo factum, vt si cuiquam sacras
paginas euoluenti occurreret illud: non exprime-
bat lingua, sed alta premebat mente, & in eius lo-
cum substituebat aliam Dei sui appellationem,
qualis fuislet, *adonai*, aut *elohim*. Tāta fuit apud illos
diuini illius nominis reuerentia, tanta religio; quam
ne scrupuli alicuius, nedum superstitionis damnare
audeas, audi & illud, quod non sine stupore, ac ru-
bore excipere potest ætas nostra; quæ Augustum,
sacratissimum, & summè venerabile Dei sui no-
men

134 SPECVLVM ECCLESIASTICORVM,
men ita prodigo, & impio ore saepius effundit, audi
inquam, & si potes in omnium aures, animosque
sparge illam sanctissimi nominis reuerentiam.

Septuaginta Interpretes, quorum in exponendis
scripturis mens Deo plena, & calamus Spiritus San-
cti cœu scribæ velociter scribentis, ij inquam Inter-
pretes, dum ex hebræo græcæ dictioni scripturam
reddunt, vbi incurrit nomen illud tetragramma-
ton, eo (quod summæ modestiæ fuit, ac veneratio-
nis) omisso, supponunt κύριος, aut ei affine nomen,
à quo non ita sibi timeat animus, calamusque vere-
cundus, & pius.

Imo quod amare magis, ac imitari studeas, ipsi
Apostoli primipili, primaque lumina nascentis Ec-
clesię eadem religione ducti, etiam suppressere eam
Creatoris sui appellationem, & pro ea, in posteros
emisere aut Dominum, aut aliud illi cognatum
nomen, quod auribus tutius, ac facilius accederet.

Ex hoc aucto more, inditaque religione, primum
manauit illud, vt è Iudæis nemo omnium nosset,
qui pronunciari deberet; ex quo Lucanus suiscom-
matis occasionem sumpſit, vbi de Deo Iudæorum
agens, dixit. *Incerti Iudæa Dei.*

Philo l.3.
de Vita
Moysis. Alterum deinde ex eodem fonte fluxit, vt vni
summo Sacerdoti liceret illud efferre; & hoc qui-
dem in sacris tantum, aut solenni benedictione, aut
cum subiret sancta sanctorum.

Aliud

Aliud quod addi potest ad boni senis, & magni Simeonis laudes, est quod ille omnium ultimus hoc nomen pronunciarit; cum & Christum seruatorem in vlnas accepit, & ora resoluit in cygneas illas voces. *Nunc dimittis seruum tuum Domine.* Ab illo tacuere cæteri, dices imposita linguæ vincula, ne se explicarent in Dei nomen, quæ Dei filium non confitebantur.

Postremum quod illius religionem auget, & apud posteros commendat: est quod illi ipsi Iudei, si quando solemnni iuramento extorqueri debeat veritas, & obtestandum Dei nomen, nunquam ipsum usurpent, sed eius duntaxat litteras hac fere formula. *Iuro per Iod he, vau, & Iod,* quæ sunt litteræ quibus componitur ineffabile, & tetragrammaton nomen: tanta eos inuasit reuerentia, tam amabilis stupor diuinorum, quem utinam induerent ætates omnes longe consequentes.

Venio ad præsidia nominis illius, ad virtutum decora, ad gloriam miraculorum illi quodammodo adnatam.

Vbi infelix Cain fraterno sanguine suas infecit manus, vbi tam nouum, & insolens scelus erubuit terra, seque in pœnam paravit: *posuit Dominus Gen. 4.v.*
Cain signum, ut non interficeret eum omnis qui inuenisset eum. Hic in scholas, & pulpita euadit vna quæstio; quod illud signum? nonnullis placet fuisse

vnam

136 SPECVLVM ECCLESIASTICORVM,
vnam è litteris diuini nominis *Iehoua*, scilicet lit-
teram *He*, quæ littera tutelæ fuit, ne quis eum at-
tingeret, vbi incisum fronti cœleste nomen, velu-
tis tesseram, agnouisset; quæ sententia si vera est,
etiam in feros annos fraticidæ præsidio fuit vel
vna sacrosancti nominis litterula. Tantum in ea est
momenti, ac ponderis etiam apud eos, quos omni-
bus supplicijs, ipsisq[ue] inferis profligata vita iam
addixerat.

Quod si improbis inde quæritur à pœna liber-
tas: probis certè ingentia quedam virtutū enascun-
tur ornamenta. Iuuat vnius, alteriusve meminisse.

Lex naturæ vnum in paucis habuit patientem, imo patientiæ miraculum: Is fuit Iobus, in quo lusit diuinus amor: erat enim vir rectus, & secundum cor Dei. Quod ita illi patuit, vt insigni caritatis prodigo & nomen illi mutarit in melius, & vnam è suo ineffabili nomine litteram detraxerit, quam illi inderet, ea fuit littera *Iod*: cum enim antea dicere-
tur *ob*, id est Propheta, audijt postea *Iob* hoc est Propheta Dei. De quo nonnulli, nescio, an verè, piè tamen philosophantur, dum volunt ab illa diuini nominis litterula accessisse singularem illam pa-
tientiam, aliaq[ue] præclara magnarum virtutum or-
namenta.

Cui affine est & illud, quod in Abrahamo ple-
riique commendant. Illi primo nomen Abram, id
est

est pater excelsus, deinde Abraham, hoc est pater multarum gentium: vnde inquies ea propago, ea generis longæui series, quæ Deo etiam sponsore, & stellas æthere toto sparsas, & arenas ad littora fusas æquaret? si illis aurem fidemque concedas, suadebunt ab insita è diuino nomine littera *He* eam omnem fertilitatem enianasse; sed ista liberius fortassis iactantur, quam verius: sit peñes illos fides, & dictorum authoritas, ijs ego pondus nec addere velim, nec etiam detrahere.

Transeo ad vim aliquam miraculorum eidem nomini *Iehoua* quodammodo congenitam. Virga Mosis prodigiosa fuit, & insignium miraculorum effectrix: nam & maria diuidere, & sistere fluentes aquas, & aduerso cœlo nimbos, grandines & fulmina deuocare, & toti propè naturæ imperitare: sed vnde ea vis indita, vnde tantum in naturam, imò & supra naturam imperium? Tostatus refert in admirabile nomen *Iehoua*, quod ipsa inscriptum præferebat, erat enim quadrangula, & in singulis angulis vnam huius nominis litteram ostentabat. In c. 4.
Exod.

Ille ipse Moses à prodigijs vtroque in orbe notus, *Ægyptum* legitur occidisse, non manu, non L. I. Stro.
mat. ferro, sed vt ex Rabbinis refert Clemens Alexandrinus solo nomine *Iehoua*, quod ipse intimo pectore altoque spiritu pronunciauit: adeo illi nomini per-
uum *Ægyptij* pectus, & in vitam, mortemque ius.

S fuit:

133 SPECVLVM ECCLESIASTICORVM,
fuit: sed hoc inquiete triste, ac funestum est; aliud
accipe quod lætius ac mollius appeleret.

Saül in purpura, sceptroque, in amplissimi re-
gni delitijs agitabatur maligno spiritu, spiritu insani
mœroris, ac tristitia. Chely docta manu puls-
bat Dauid, & à Saule recedebat malignus genius:
crederes suaues illos Dauidis modulos ferre non
posse, & verò etiam non potuit. Sed quid adeò tur-
1. Reg. 16. bulentum illum spiritum pulsat, ac ferit? sunt qui
cantui tribuant, suauibusque numeris: multum c-
nim valet cantus ad componendos animi motus,
ac tempestates, ad dæmones abigendos. Ita S. An-
tonius psalmorum versiculis dicitur prædonem a-
nimorum ex corporibus, velut alieno hospitio eie-
cisse. Sunt alij qui Dauidis virtuti, meritisque ascri-
bant: sunt etiam qui nomini *Iehoua*, cuius linea-
menta in Dauidis chely expressa fuisse credunt; ita
Valderama, penes quem sit illius miraculi fides, vt
& huius, quod in Rabbinis legisse me aliquando
memini.

In eorum oculos, imo & inuidiam incurrerat ea
fama, visque miraculorum, quæ dum in viuis esset,
patrarat Christus, nec vt vellent, ea ignorare, aut
diffiteri poterant. Veritati, quæ luce meridiana cla-
rior elucebat, cedendum erat: at non omnino ce-
det inuidia, & liuor edax, dente carpet, tangetque
quod absumere, & exsorbere non poterit, iactabit
enim

enim commentum illud, Christum ijs portentis, ac prodigijs supra cæteros mortales claruisse, vel hoc vno tantum, quod nomen *Iehoua* alijs ineffabile, ipse vnu effari posset. Tantam ei vim inesse crediderunt etiam ad patranda miracula.

Et hæc dicta velim, non vt ijs ex me fidem astruam, authoritatem concilium: sed tantum vt ex his, intelligat prudens lector, quæ apud Antiquos fuerit diuini nominis opinio, quæ fama, quæ religio.

§. 7.

Tiara byssina sacri capit is ornamentum.

Hæc olim præscribente cœlo, auribus, calamoque excepit Moses, & in chartam effudit: *tiaram byssinam facies*, decus sacrati Deo verticis. Exod. 28. v. 39.
De hac aliqua inter Authores controuersia. Sunt enim qui tiaram Pontificis contendant fuisse pileum, sunt qui vittam tantummodo describant.

Ioannes Vilalpando credit fuisse fasciam, seu vittam, qua Sacerdotes, & reges coronari soliti. Olim enim Imperatoribus, nō aliud erat diadema, quam vitta byssina cingens, & stringens caput, & in dorsum effusa; vt videre est in Antiquis Cæsarum imaginibus. Et hoc fortè ascribi potuit iustæ parsimoniae illius ætatis, quæ à luxu, fastuque vestium erat aliena, à qua degenerarunt sæcula consequentia, quæ suorum regum, Cæsarumque capita auro,

In c. 44.
Ezechiel.

S. 2

gem-

140 SPECVLVM ECCLESIASTICORVM,
gemmaisque non tam ornarunt, quam onerarunt.
Sed ista quæstio, querelaque est alterius fori; disce-
damus ab illa, & in præsentia dicamus Tiaram,
Cidariunque Pontificum, in pilei formam effor-
matam fuisse: ita enim illam depingunt, qui ijs
sæculis fuere proximi, & oculis usurpare potuerunt
sacram illâ Pontificis in veste, Tiaraq; maiestatem.

Iosephus certè curiosus Iudaicæ Antiquitatis in-
terpres & scriptor, sacram illam Cidarim ita descri-
bit. *Pileolo quali & cæteri Sacerdotes utebantur,*
super quem aliis extabat ex hyacintho variatus,
bunc aurea corona triplici ordine circumdabat, in-
qua spectantur calyculi (sive folliculi florum) aurei,
quales videmus in herba, quæ hyosciamus dicitur.
Hæc Iosephus, quem cum alijs conciliare potes,
si dixeris illi pileolo etiam adiectam fuisse fasciam
byssinam, quæ è Cidari dependeret. Sed his ego stu-
diosius non immoror, magis amo opportuna ex il-
lis, morum, vitæque documenta.

Prima hominum ætas, eaque magis innoxia, &
simplicitatis amans, nudo capite incessit, verticem-
que apertum & soli, & aquiloni, & omnibus in-
iurijs aëris obiecit.

Postea molliora sæcula caput texere, vel valetu-
dinis causa, vel ex medicorū placitis, ac persuasione

Hippocratis imago pilei umbella tegi solita,
cuius ratio hæc à nonnullis redditur, quod omnium
primus

primus caput pileo velarit: an ea causa ex veritate sit, nescio, hoc scio, pileum etiam seruire dignitati tum profanæ, tum sacræ, vt de illa taceam, de hac pauca subnecstemus.

Tiara triplici ordine afflorgebat, vt efferret eminentiorem Regibus dignitatem, de qua illud aurea eloquentia Chrysostomus.

Sacerdotium principatus est, ipso etiam regno ve-
nerabilius, ac maius. Ne mihi narres purpuram, ne-
Hom. 5.
de verb.
que diadema, neque vestes aureas, vmbrae sunt
Isaï.
istæc omnia, vernisque flosculis leuiora.

Ac ne videatur hæc inani verborum iactantia, non autem rationum momentis, ac pondere in medium proferre, causam subiicit sui illius pronunciati. *Quamquam, inquit, nobis admirandus*
videatur thronus regius ob gemmas affixas, & au-
rum, quo obcinctus est, tamen rerum terrenarum ad-
ministrationem sortitur; nec ultra potestatem hanc
quicquam habet authoritatis: oculis illudit auriful-
gor, & pretium, gemmarum nitor, & gratia, sideri-
bis ipsis æmula, aliæque regiæ fortunæ phaleræ fu-
cum faciunt, & in corpora mortalia, in res abie-
ctas, & luteas authoritatem injiciunt, at non euad-
unt ad immortales animos, ad Cœli gazas, stella-
tas arces, diuorum beata tecta, ad quæ tamen ascen-
dit Pontificum suprema authoritas: quam vbi cum
regia componit mellita eloquentia Ambrosius, ait:

S 3

magis

L. de dign. Sa. cerd. c. 2. *magis Sacerdotium regno, quam aurum plumbum p̄r-*
lucere. Est nimurum altissimi Sacerdos, veluti me-
dius cœlum inter & terram, Deum inter & homi-
nēs, quod ipsum in sede Petri, cathedraque veritatis
agnouit INNOCENTIVS III. & hoc ex ea ora-
culum edidit. Qui est inter Deum, & hominem me-
Ser. 2. in Consec. Pont. *dius constitutus, citra Deum, sed ultra hominem:*
minor Deo, sed maior homine. Hanc sibi ab illo ordi-
ne inditam maiestatem agnouere magnæ mentes,
Infula, Pedoque dignæ. Ut cæteros taceam, unus
erit instar omnium, isque Leontius Tripolis Lydiæ
Episcopus, de quo Baronius in suis monumentis.

Tom. 3. Anno Domini 325. §. 16. Euocatus ille fuerat ab Eusebia augusta, fœmina alti spiritus, & insolentis superbiæ: ea nimurum occupare solet augustas animas, inepta sceptris capita; quæ plus æquo attollit, cum deprimere debuisset, ac modestiæ legibus subdere, ut ad eas reuocaret Augustam, moneretq; quod esset inter Purpuram, Pedumque discrimen: ita paucis fertur respondisse.
Si me ad te venire volueris, debita Episcopis reue-
rentia seruata, ego quidem ingrediar; tu autem sta-
tim de sublimi isto solio descendens, reuerenter mibi
obuiam procedas, & caput meis manibus supponas
benedictionem acceptura: ac deinde ego sedeam, tu
reuerenter astes, cum iussero, dato signo sessura. Si ha-
tibi conditiones placuerint veniam ad te: sin alio
modo, non tam multa dabis, ut nos honore Episcopis

conue-

conueniente neglecto, diuini Sacerdotij institutum violamus. Hæc Leontius scripsit, hæc dixit pro ingenita sibi libertate, sacriqué ordinis, ac rituum omnium obseruantia: ob quam vulgò dictus est *Ecclesiæ regula.* Et quia erit fortasse vñus aliquis qui pro se loquenter Episcopum non audiet; audiat ille, & ab Augusto Cæsarum longè maximo, discat; quæ Episcopis, quæ Ecclesiæ Præsulibus debita sit obseruantia.

Constantinus Imperator, quem vt Augustum suspexit Orbis, vt Parentem amauit primùm enas- cens Ecclesia, ita cum Episcopis sese gessit in omni congressu, vt & ipsis assurgeret, nec sederet ipse, nisi prius illi consedissent. Nouerat nimirum Augustus Imperator pro ingenita sibi à Deo mente, quantum Purpura à Pedo pastorali distaret.

Nouit etiam, nec sine periculo suo, cœlestique prodigo sensit Valentinianus Imperator: cum enim Martino Episcopo assurgere dignaretur, de- repente, è sella vindex ignis erupit, à quo ne incen- deretur, ne in cineres iret totus, assurrexit vel inuitus, ita flammæ cessit, qui dignitati Episcopali non ces- ferat; & cui assurgere prius erubuit, ad eius pedes supplex accidit, adeò verum illud, quod tanto ante Isaias animo præuiderat, & de Prælatis nouę legis cecinerat. *Reges vultu in terram demissò adorabunt te, & puluerem pedum tuorum lingent.* *Izai. 49.*

Ad

Ad primūm spectasse videtur edictum illud
 Theodosij, & Valentiniani Imperatoris, dignum
 omnino, quod aureis litteris in lapide adamantino
 scribatur, ad omnium Posterorum memoriam, ac
 documentum. Ita habet. *Audemus Sacerdotes cum*
p. Sir.
mond ad
Sidon.
Theodo.
l. 4.c.5. *omni timore nominare, quibus omnis terra caput in-*
clinat. Ea Imperatores illos inuaserat Sacerdotij ve-
 neratio, ea ordinis illius reuerentia, sacraque maie-
 stas, vt eos non sine timore nominare auderent, ne-
 dum aspicere, & alloqui: ratio tantæ submissionis
 eodem edicto exponitur, quia *omnis terra eis caput*
inclinat. Imo ad eorum pedes abijcit quidquid al-
 tum, ac sublime habet, vt indubitatum sit & illud
 Isaiæ: *puluerem pedum tuorum lingent.* Quo in gene-
 re spectandum illud, & illustre facinus Caroli ma-
 gni Galliæ Regis, & Imperatoris ter maximi. Ec-
 clesiæ clavum regebat Hadrianus Pontifex; impe-
 rij gubernacula Carolus tenebat: hic vt Romam
 venit, vt de Ecclesiastica libertate, de sede Petri
 quam optimè meritus, ita exceptus est quam ma-
 gificentissimè. Obuiam iuere militares turmæ,
 equitum robur, & Romanæ nobilitatis decus om-
 ne. Ipse Pontifex Clero honorato septus in summis
 gradibus Ecclesiæ D. Petri confedit; primulo in
 atrio superbis operibus exornato. Ut venit Rex Ca-
 rolus lectis regni Principibus, & armato milite co-
 mitatus, sic ad eum locum accessit: quasi ad solium
 ipfius

ipsius diuinitatis , numenque augustissimum adire videretur : Primum enim illustri animi demissione sele pronum in terras prostrauit , tum ad singulos gradus pedetentim adrepens eos humanissime osculatus est , tum ubi ad opperientem se Hadrianum aduenit , demisit ad pedum oscula , tum denique in paternum eius sinum , praesidiumque D. Petri , se , liberos suos , & florentissimi regni fortunam coniecit . Habet in eo Gallia , quod Regum suorum submissionem , & in sanctam sedem obseruantiam amet , suspiciat , & in posteras omnes aetates emittat . Habet & orbis uniuersus , quod probet , imitetur , habent & ij , quos eodem dignitatis benignius celum euerxit , in quo immensam , & mirum quantum profusam aeterni numinis in se liberalitatem demiren- tur , studeantque sub insula , sub tiara , ita vitam omnem exigere , mores componere , ut nihil sit , quod a sacrae illa maiestate abhorrens videatur .

§. 8.

*Annulus pontificiae dignitatis , potestatis , &
coniugij insigne .*

Ad sacræ vestis decora , accessit annulus , vel Rationalis ornamentum (vt in Hebreis Pontificibus) vel digitorum gratia , (vt in Romane Ecclesiæ Præsulibus) huius & illius rationem hic indagamus : vt ex ea aliquid ad institutum nostrum deriuetur .

T

Omnis

Exod. 28.
v. 27.

Omnis ætas, omnisque ratio annulum censuit esse dignitatis insigne, immo notam nobilis prosapiæ, & veluti tessera animi de Republica bene meriti.

Romani rectè publico quondam edito cauere, ne quis è vulgo annulum indueret, nisi re bene gestâ ex senatus consensu is ei honos deferretur. Hoc vero decus primò delatum audio legatis exterarum gentium, quæ cum Romanis fœdus inijsserent, ac deinde equestri ordini, denique ijs omnibus ac solis, quibus obtigisset pro salute patriæ, & agere, & pati fortia, quod Romanum erat. Inde Augustus Cæsar, ut suis militibus adderet animos, & spe amplissimi fauoris erigeret, omnibus aurei annuli usum concessit; & Titus Liuius secundo bello contra Carthaginenses, memorat equites Romanos ab Hannibale ad Cannas cæsos esse eo numero, ut cæforum annuli tres integros modios oppleuerint; quos omnes in triumphi speciem, & victoriae partæ monumentum Hannibal Carthaginensibus transmisit.

Fuit deinde & annulus imperij nota, & hæreditatis adeundæ tessera, vnde Imperatores morti proximi, annulum suum ei concedere soliti, quem ipsi hæredem instituissent. Ita Augustus Tiberio donasse legitur. Ita & Pharao annulum tulisse de manu sua, & inseruisse dito innocentis Iosephi in signum attributæ ei regiae potestatis.

Fuit

Fuit & alijs nationibus suis annulorum usus, & honos, vt ad Carthaginenses redeam, illud in eis fuit singulare (quod Plutarchus in Hannibal's vita memorat) vt tot digitis annulos infererent, quot ipsi prælia subiissent, quot de hoste victorias reportassent. Amabant nimirum veteres illi, quibus in oculis erat virtus, in animo gloria, hæc virtutum decora, hæc rei præclarè gestæ monumenta.

Volunt alij annulum esse perfectæ, & paternæ reconciliationis argumentum, quod ex Euangeliō constat: vbi enim ad se, ad parentem rediit Adolescentis ille Prodigus: genitor miseratione plenissimus cum perduto filio veniam dedisset, cum stola prima iussit continuò dari annulum in manum eius. Luc. 15.
Verum vt hæc ita sint ex variarum gentium more, rituque apud quas alius, atque alius fuit annulorum usus. Certè communis sensus, & opinio probat annulum arrham esse, & pignus sponsalitium. Solebat enim sponsus, sponsæ mittere annulum, quem pronubum vocabant, vel pignoris loco, vel in symbolum amoris.

Is teste Plinio, sua ætate ferreus erat, & sine gemmâ: nimirum ei pro gemmâ, pro luce, soleque erat amor, ferro, hoc est duris assuescere solitus: ideoque institutum olim fuit, vt in digito medico sinistræ manus gestaretur, quod in eo digito vena esset ad cor ipsum, amoris sedem rectâ perueniens. Cuius

T 2

rei

L. 10. c.
10. rei luculentus author est Agellius, ait enim sectis;
apertisque per anatomen corporibus, repertum esse
neruum quendam tenuissimum ab eo digito ad
cor hominis tendere, proptereaque eo honore vi-
sum esse dignum, ut qui continens, & quasi nexus
cum principatu cordis videretur.

His ita ex totius Antiquitatis sensu, ex Autho-
rum fide, ex veritate constitutis, verissimum erit il-
lud effatum: Annulum in Pontifice, in Praesule di-
gnitatis, imperij, reconciliationis, sacriique coniu-
gij symbolum esse.

De dignitate quae mortalibus superior, immor-
talibus propè par dici potuit, multis antea desserui,
ideoque ad alia propero.

D. Ambrosius censuit annulo ornari Pontifices
L. de Io- vt *ipſi signent alios.* Alludit ad annulos signatorios,
ſeph. c. 7. quibus notæ ijs rebus imprimebantur, quas tutas,
& securas volebant. Et hæc potestas nostris Pon-
tificibus communis, vt qui electos signant ad vi-
tam beatam, eoque signo liberos, ac securos de salu-
te faciunt.

Quod si quandoque (quæ hominum est in-
constantia, & summa infelicitas, à patrato scelere,
ijs infesti superi, iratum numen, parata toto æthere
fulmina, interueniunt Episcopi veluti conciliatores
diuinę mentis, & pacificatores potentissimi ad excu-
tienda diuinis è manibus concitatę iustitię fulmina.

Sed

Sed ista ad authoritatem, ad summum in mortales, ius imò ad aliquod in Cœlestes, Deumque ipsum, imperium faciunt, hoc ad amorem testificandum conductit.

Episcopum inter & Ecclesiam illud intercedit
vinculum, quod sponsum inter & sponsam videri
potest; & eo fine conceditur annulus, quem Ter-
tullianus etiam *pronubum* appellat, ut pote pignus
amoris, & individuae societatis: debent enim Epis-
copi curam Ecclesiae, seu sponsae habere, eiusque
bonum, ac felicitatem in corde ferre, ut illam qua-
si virginem castam exhibeant, seruentque Christo
saluatori.

Fuit olim inter veteres recepta consuetudo, vt
maritus suæ vxori custodem apponere, quem
Apuleius, *Sequitorem* appellat, quod ut umbra cor-
pus, sic matronam ille sequeretur. Non sic boni, &
fideles Episcopi: quibus Ecclesia sponsa, eius ipsi
custodes esse volunt, nec alienæ fidei committunt
tam sacrum Christo depositum. Et iure sane æquissi-
mo, unus enim Pastor, alij mercenarij; unus spon-
sus, alij sterili famulitio addicti, qui sua querunt,
non quæ sponsæ: at bonus Præfus qui sponsi no-
mine gaudet, eiusque vim amicam, & suauia amo-
ris incendia patitur, adhæret sponsæ suæ lateri, resi-
det in Ecclesia sibi commissa, ex puræ caritatis legi-
bus omnia in eius bonum, ac fœlicitatem disponit,
T 3 vtque

150 SPECVLVM ECCLESIASTICORVM,
vtque disponat, ei creditur annulus, insigne nobilis
animi, decus imperij, authoritatis nota, symbo-
lum effusæ cariratis.

§. 9.

De Virga Aaronis, & baculo pastorali.

Vulgò iactari solet illud: *Honos alit artes, quod*
quam verissimum est, si moderata sit illius
cupiditas, si sese rationis gyro coerceri patiatur: at si
se effrænæ gloriæ, inanisque iactantiæ libidini
committat, si ea se sinat abripi, tum verò non artes
alit, sed lites mouet, alit dissidia, & ingentes animo-
rum excitat dissensiones.

Ne discedam ab argumento mihi proposito,
gravis olim in tribubus Israël orta est contentio,
de supremi Sacerdotis officio, ac dignitate, dum
Num. 16. eam sibi quisque arrogare studet. Core, Dathan,
Abiron, & Hon superba in Moysen, & Aaronem
extulere capita, & vt est insolens suique impotens
regnandi libido, per fas, nefasque, in sacra iura inuolare,
in aras euadere, & concessam à superis vni Aa-
roni dignitatem eripere conantur. At vindex è cœ-
lo Deus, cuius oculus, manusque mortalibus sem-
per imminet, vt elatos deprimat, abiectos eleuet:
Core, Dathan, Abiron subito, ac repentino terræ
hiatu absorpsit: viuis eripuit, inferis dedit, eorum-
que asseclas vtrice flammâ deuorauit.

OUOTV

& T

Hoc

Hoc vbi diuinæ iustitiae datum est , tum ne qua
in posterum moueretur quæstio ; sacram illam Sa-
cerdotij maiestatem forti committendam esse cen-
suit legislator Moses , iussitque singulas tribus , vel
potius singulo tribuum Principes , virgas suas pro-
ferre , eisque nomen ascribere , ac deponere in ta-
bernaculo foederis , ut cuius virga arida , & exsuc-
germinasset , is unus Sacrorum Princeps , Sacerdos ,
Pontifex haberetur . Annuere omnes diuinæ for-
ti , ac consilio , virgas extulere , statuere coram Do-
mino ; à quo contra naturæ vim , temporis leges , &
paœta , germinauit , ac floruit unus Aaronis virga ,
eoque prodigio Sacerdotem vel ipso cœlo iudice ,
creauit .

Fuit ea virga Aaroni , quod nostris Præsulibus
est Pedum , & baculus pastoralis , videlicet index ac-
ceptæ à Deo authoritatis , potestatis , doctrinæ : fuit
deinde alia à virga Mosis , qua Ægypto plagas intu-
lit , qua mare , diuisit , qua tot annuente cœlo , & stu-
pente terra , prodigia patrauit . Fuit denique amy-
gdalina , vti & cæterarum tribuum virgæ , imo ex
eadem amygdalo decisa , ne quod in ea ab alijs
discrimen esset , cui id miraculum ascribi posset . De L. 6. c.
ea paulò aliter sentit Rabbi Salomon apud Galati- vlt.
num , illum audi . *Virga illa , qua Moses , & Aaron*
miracula faciebant in terra Ægypti , & postea in
deserto floruit , ab ea arbore excisa est quam Deus
ostendit

252 SPECVLVM ECCLESIASTICORVM,
ostendit Moysi in deserto, vt aquæ amaræ dulces
fierent.

Et hæc arbor excisa fuit ab arbore vitæ, quæ in
Paradiso sita erat, Angelorum manibus, quam
miserunt Adæ, cum ille misisset filium suum Seth
ad Paradisum, misericordiam Dei imploraturum
de suò peccato. Dixerunt Angeli ad Seth, vt planta-
ret hanc arborem, quæ quam primum fructum fa-
ceret, misericordiæ Dei in eum descenderent, aperi-
renturque portæ cœli, quæ observatæ erant. Hanc
autem arborem, seu potius ramum accepit Seth,
plantauitque in deserto, quam postea Moses in
deserto inuenit, & ex ea virgam suam excidit, ideo-
que virga Dei dicta est; cum autem venisset Israël
ad Mara, neque illius aquas (erant enim amaræ)
bibere posset, Deus ostendit illi hanc arborem, vt
aquas illas redderet dulces. Et hæc est arborilla, in
qua Moyses serpentem æneum posuit, per quam
Deus vniuersum orbem saluum facere instituit, &
mittere misericordiam suam super Adam, cum ve-
nerit Rex Messias: tunc enim hæc arbor fructus ge-
stabit; quibus secundò aquæ amaræ efficientur
dulces, purgabuntque primum peccatum, omnia-
que delicta quæ fecerunt, *facturiq; sunt homines*. In-
nuit nimirum hic author eam esse arborem, è qua
desumpta crux seruatoris, è qua generi nostro salus,
ac vita. Verum cum ea redoleant Rabbinorum fa-
bulas,

bulas, ac commenta, ijs fidem nec habeo, nec haberī
volo. Magis probo fuisse de vulgari, & obuia arbo-
re decerptam virgam, seu scipionem, qua aut viato-
res, aut Pastores ouium vti solent.

Ea porrò triplici miraculo claruit, ne quis fortu-
natæ illi, diuinæque sorti fidem negare auderet.

Primum enim virga arida, & sicca, sese exone-
rauit in turgentes gemmas, baccasque; tum etiam
eodem tempore, nullo naturæ otio eæ ipsæ baccæ
sese explicarunt in flores, tum denique illi ipsi flo-
res, in fructus vberes, maturos, & quasi multo sole
benè coctos conuersi sunt; quæ omnia negasset na-
tura, nisi vis altior accessisset.

Et hæc patrata miracula, vt Aaroni cederet ea
summi Sacerdotij dignitas, ac veneratio, quæ vt in
posteros quoque transiret, censet Abulensis eam
virgam ad annos, & sæcula durasse, meliore succo
plenam, ornatam floribus, fructibus fœcundam,
tum vt esset æuo longè consequenti rei iam gestæ
monumentum, tum vt illius familiæ decus, atq; or-
namentum, & veluti tessera quedam diuinæ electionis.

Sed erit aliquis naturæ curiosus indagator, &
diuinorum mysteriorum sedulus interpres, qui ex
me quæret. Cur è tota arborum propagine, electa
sit vna amygdalus, è qua decerperetur virga tot
prodigijs illustris. Ne crede id casu factum, ne
cæca, & præcipiti manu, decisum ramusculum, erat

154 SPECVLVM ECCLESIASTICORVM,
aliam manus, eaq; superior, quæ manus regeret, vti &
abieetas sortes. Ea Dei fuit, quæ amygdalum præ cæ-
teris arboribus elegit. Sed cur inquies amygdalum?

Est in natura, est in diuina mente ratio: ex illa
hæc. Amygdalus prima inter arbores floret, prima
baccas, & flores ostentat, vnde hebraicè dicitur
Scaked, hoc est euigilans, quod omnium prima
post longam hyemem, euigilet, & floreat. Nimi-
rum hyems est plantis, quod homini nox silens, &
quasi mortua. Diceres adulta hyeme exsuccas, ex-
animes, emortuas arbores, & plantarum genus om-
ne, vel saltem crederes longo, & letali somno se-
pultas, adeò nullum vitæ latentis indicium edunt:
At vbi primùm lenis aura, zephyri molles, verni-
que solis fauor, & radij aspirare, & appellere cepe-
rint, tum vero sopitas vires excitant, reconditas hy-
berni succi diuitias educunt, effundunt sese in ger-
mina, in flosculos aperiunt, & in fructus spargunt
vberrimos.

Ita prima omnium erumpit, seseque excitat a-
mygdalus, inter arbores veluti primogenita: imo,
quod in ea mireris, etiam emarcescit ultima, nec
folia deponit, nec florum honestatem, atque orna-
tum, nec fructuum nativas opes amittit, nisi postre-
ma. Et hoc indicat in Aarone ius quodammodo
primogenituræ, & Sacerdotij longuam perennita-
tem, de qua ore florido D. Ambrosius. *Virga Aa-*
ronis,

ronis, inquit, quid aliud ostendit, nisi quod nunquam L. 10. Ep.
Sacerdotibus marcescat gratia, & in summa humili- 82.
tate habeat in suo munere commissæ sibi potestatis flo-
rem. Et hæc Aaronem spectauere prodigia; quæ
subdam etiam posteros.

Monuit enim virga amygdalina, quæ debeat
esse Pastorum vigilia, est enim illa vigiliæ symbo-
lum, ut apertè liquet ex imagine olim Ieremiæ ex-
hibita. Ait ille non sine stupore, ac miraculo. Vir- c. i. v.
gam vigilantem ego video, vel ut alij vertunt, vir-
gam amygdalinam ego video, quod & hæc, & illa
oculata sit, & vigil, doceatque eum vigilem esse
oportere, cui Deus eam concesserit.

Est præterea amygdalus index patientiæ singu-
laris, cum enim prima frondeat, floreatque, etiam
prima rigidos adhuc aquilones, nimbos graues,
grandines asperas patitur. Et Præfus, in cuius manu
Aaronis virga, pastoralis baculus, patiens sit oportet,
& obduratum aduersis peccatis ferat ille pro fide, pro
religione, pro cœlo, Deoque acerrimas persecutio-
num hyemes, graues tyrannorum æstus, atque tem-
pestates, neque tamen ex ijs decuti patiatur, aut a-
mœnam spei viriditatem & frondes; aut virtutum
magnarum flores, aut bonorum operum fructus
amittat, sed cœlo, atque æternitati referuet.

Deinde amygdalus suadet in Præfule studium
pœnitentiæ, utque cum venia utar ea voce, mortifi-

156 SPECVLVM ECCLESIASTICORVM,
cationis: est enim amara amygdalus , & amara
pœnitentia, suavis fructus.

Denique virga, nota est authoritatis, & index al-
tioris imperij; quod venerantur, & adorant illu-
stres animæ.

Testis erit luculentus Patriarcha Iacob , qui in
extrema vitæ periodo, cum discessum è senili cor-
pore iam ambiret anima , hæreretque propè in ex-
Gen. 47. tremis labris , adorauit Deum conuersus ad lectuli
caput : vel vt septuaginta vertunt , adorauit fasti-
gium virgæ eius, scilicet Iosephi filij sibi longè ca-
rissimi.

Quæ autem fuerit ea virga , alta nox , & doctæ
tenebræ: sunt qui velint fuisse virgam iudicariam,
qualis esse solebat Ægyptijs. Referebat ea sceptri spe-
ciem , in cuius vertice visebatur ciconia in proge-
nitores annosos semper pia ; & misericors , ideo-
que symbolum miserationis , in basi autem hippo-
potamus , siue equus marinus , in parentes quos
enecat , crudelis , & impius: quæ symbola Iudicem
monebant, vt à se procul amoueret immites ani-
mos , & misericordes accenseret. Crediderunt alij
virgam illam Iosephi , quam adorauit Iacob , sce-
ptrum fuisse regium , cui imminebat vigil , patens
& explicatus oculus ; index & symbolum vigiliae,
quæ Reges, ac moderatores decet.

Contenderunt alij eam virgam fuisse è nuda
quercu,

quercu , qualis Plutarcho teste, Regibus olim , ac Principibus fuit : in cuius vertice explicabantur tot folia quercus , quot ipsi regnassent annos , quot sibi suisque imperijs prouincias adiecissent.

Verum vt vt sit de ea Iosephi virga , qualis qualis demum ea fuerit , eam certe cultu , & adoratione quadam dignam putauit emoriens Iacob.

Sciebat nimirum , & senili , prouidaque mente hauserat , quod in ea decus , quae amplissimae dominationis authoritas , quam etiam in filio colere , venerari , imo & adorare debuit ipse parens .

Et hic Aaroni virgæ , Pedo , baculoque pastorali debetur cultus : est enim ille index , & nota acceptæ à Deo potestatis , est virga Iudicis , virga regni , sceptrum eius dominationis , quæ non in fortunis hæret , aut corporibus , sed ad ipsos quoque immortales animos ascendit , vt supra ostendere me memini . Ideoque cum Iacobo sene quisquis benè sapit , adoret fastigium virgæ pastoralis , & in ea diuinam quandam potestate in agnoscat .

PARS SECUNDA.

*De vestibus Clericorum ac Sacerdotum
nouæ legis.*

Diuina prouidentia , quæ amat decorum dominus suæ , eum in ministris suis , ipsoque cultu corporis seruari voluit : Moysenque per quadra-